

Godišnji izvještaj za 2023. godinu



Muslim Aid Association informacije

Muslim Aid Association je nevladina organizacija koja od 2007. godine djeluje u Bosni i Hercegovini. U početku kao predstavništvo strane nevladine organizacije Muslim Aid Sarajevo, a od 2021. god. kao dio Muslim Aid porodice, pod nazivom Muslim Aid Association. Kroz programe pomoći nastojimo doći do svih onih kojima je pomoć stvarno i potrebna.

U skladu sa našim principima djelovanja razvili smo 4 programa u Bosni i Hercegovini:

1. Program socio-ekonomskog osnazivanja
2. Program podrške obrazovanju
3. Sezonski projekti
4. Hitni odgovori

Pored navedenog, imamo i poseban program koji podrazumijeva brigu o jetimima.

Osim praktične pomoći Muslim Aid Association pomaže zajednicama u ispitivanju uzroka siromaštva i nerazvijenosti te, zagovara ravnopravno društvo i održivu budućnost, te jednake razvojne šanse za svakog pojedinca u zajednici. Naši programi i projekti osmišljeni su na način da djeluju na izvore problema i nude modele za njihovo dugoročno rješavanje.

Kroz navedene programe Muslim Aid Association kreira i implementira projekte u cilju poboljšanja kvaliteta života svih stanovnika Bosne i Hercegovine.

Misija

Naša misija je da služimo čovječanstvu i obezbjeđujemo ne samo trenutnu pomoć nego i održive razvojne programe koji djeluju na same korijene siromaštva.

Vizija

Naša vizija je smanjenje siromaštva, edukacija za sve i obezbjeđivanje podrške osobama u stanju potrebe, u cilju stvaranja svijeta u kome humanost i suosjećanje grade pravdu, nezavisnost i ljudski razvoj.

Projekti u 2023. godini

Muslim Aid Association je u 2023. godini realizovao 10 projekata. Ukupna vrijednost realizovanih projekata je cc. 2.349.830 KM. Projekti su realizovani u sklopu gore navedenih programskih aktivnosti a u skladu sa Muslim Aid Association ciljevima djelovanja. Nastavak dokumenta ilustruje realizovane projekte u okviru programa.

1. Socio-ekonomsko osnaživanje

U okviru ovoga programa realizovana su tri (3) programa/projekta ukupne vrijednosti cc. 1.467.600 KM koja su prikazana u nastavku.

1.1. **Ekonomsko osnaživanje socijalno i materijalno ugroženih osoba kroz proizvodnju povrća u plastenicima**

Informacije o projektu

- Projekat plasteničke proizvodnje (period 2023/2024) je realizovan u Općina/ Gradova u BiH. Projekat je realizovan na proljeće kada je realizovan u 7 Općina/ Gradova i na jesen kada je realizovan u 6 Općina/Gradova.

Kod projekta	337/2022 – proljeće
Vremenski period realizacije projekta	Januar 2023-Juni 2024
Vrijednost projekta	423.000 KM
Projekt partneri	LDSC, Općine u BiH (dolje navedene)
Ukupan broj korisnika	120 korisnika

Gradovi/Općine sa kojima je projekat realizovan na proljeće su: Sokolac, Prnjavor, Jajce, Lukavac, Vareš, Jezero i Šipovo.

Kod projekta	222/2023 – jesen
Vremenski period realizacije projekta	Juli 2023- decembar 2024.
Vrijednost projekta	423.000 KM
Projekt partneri	LDSC, Općine u BiH (dolje navedene)
Ukupan broj korisnika	120 korisnika

Gradovi/Općine sa kojima je projekat realizovan na jesen su: Hadžići, Prozor-Rama, Ugljevik, Ribnik, Mrkonjić Grad, Olovo.

- Nastavak rada na projektima proljeće/jesen 2022/2023 i to na monitoringu za sljedeće projekte plasteničke proizvodnje

Kod projekta	366/2022 – proljeće
Vremenski period realizacije projekta	Januar 2022-Juni 2023
Vrijednost projekta u 2023.	cc. 39.600 KM
Projekt partneri	LDSC, Općine u BiH (dolje navedene)
Ukupan broj korisnika	120 korisnika

Gradovi/Općine sa kojima je projekat realizovan: Novi Grad, Kozarska Dubica, Trnovo, Zavidovići, Ključ, Gornji Vakuf , Šipovo, Čelinac

<i>Kod projekta</i>	<i>059/2022 – jesen</i>
<i>Vremenski period realizacije projekta</i>	<i>Juli 2022- decembar 2023.</i>
<i>Vrijednost projekta u 2023</i>	<i>cc. 47.120 KM</i>
<i>Projekt partneri</i>	<i>LDSC, Općine u BiH (dolje navedene)</i>
<i>Ukupan broj korisnika</i>	<i>120 korisnika</i>

Gradovi/Općine sa kojima je projekat realizovan na jesen su: Vitez, Breza, Teslić, Novi Travnik, Tuzla, Iljaš.

Generalni cilj projekta je ekonomski osnažiti socijalno i materijalno ovisne osobe kroz proizvodnju povrća u plastenicima.

Specifični ciljevi projekta:

- Socijalno i materijalno osnažiti stanovništvo kroz dodjelu start up paketa
- Povećati nivo znanja i vještina kroz edukacije o plasteničkoj proizvodnji
- Povećanje površine pod plasteničkom proizvodnjom u BiH.

Projekti su obuhvatili 480 korisnika sa naglaskom na nezaposlene osobe, mlade osobe i invalidne osobe. Svaki korisnik je u okviru start-up paketa dobio plastenik od 100m² sa sistemom za navodnjavanje, bačvom od 500l, crnom mulch folijom, sadačem, vezovima i sadnicama za proljetnu/jesenju sjetvu. Projekat je koncipiran na bazi sufinansiranja gdje je Muslim Aid Association učestvovao sa 40% troškova nabavke i isporuke plastenika i dodatne opreme. Gradovi/Općine su učestvovale sa 40% vrijednosti donirane start-up opreme i krajnji korisnici sa 20% od vrijednosti donirane opreme.

1.2. Ekonomsko osnaživanje socijalno i materijalno ugroženih kroz stočarstvo

<i>Kod projekta</i>	<i>166/2023</i>
<i>Vremenski period realizacije projekta</i>	<i>Maj 2023- Novembar 2023.</i>
<i>Vrijednost projekta</i>	<i>231.340 KM</i>
<i>Projekt partneri</i>	<i>Općina Hadžići i Grad Konjic</i>
<i>Ukupan broj korisnika</i>	<i>40 korisnika</i>

Projekat stočarstva je realizovan na području Općine Hadžići i Grada Konjica u toku 2023. godine. Projektom je socijalno i materijalno osnaženo 40 korisnika projekta kroz dodjelu steonih junica i transfer znanja u oblasti tehnologije ishrane i dobre stočarske prakse.

Generalni cilj projekta: socijalno i materijalno osnažiti stanovnike Općine Hadžići i Grada Konjica dodjelom steonih junica.

Specifični ciljevi projekta:

- Socijalno i materijalno osnaživanje stanovnika kroz dodjelu steonih junica,
- Unaprijeđenje znanja i vještina u ishrani stoke i tehnologiji uzgoja,
- Unaprijeđenje kvaliteta života i poljoprivrede stanovnika općina Hadžići i Konjic

Realizovani projekat je koncipiran na bazi sufinansiranja gdje su Općina Hadžići i Grad Konjic obezbjedile finansijska sredstva za 40 korisnika u iznosu od 50% od ukupne vrijednosti steone junice. Korisnici, njih 40, su sufinansirali junice sa 20% od njihove nabavne vrijednosti. Projekat u obje navedene Općine su realizovani tokom dvije isporuke. Isporuke u Konjicu su se desile u mjesecu julu i septembru, dok su isporuke za općinu Hadžiće bile tokom oktobra i novembra.

1.3. Pčelarstvo i ruralni razvoj

<i>Kod projekta</i>	<i>449/2023</i>
<i>Vremenski period realizacije projekta</i>	<i>Mart 2023-Novembar 2024</i>
<i>Vrijednost projekta</i>	<i>303.540 KM</i>
<i>Projekt partneri</i>	<i>Muslim Aid Švedska, LDSC</i>
<i>Ukupan broj korisnika</i>	<i>31 korisnik</i>

Projekat pčelarstvo realizuje se u tri Općine/Grada BiH (Jablanica, Zenica i Vlasenica) tokom 2023. godine i 2024. godine. Projekat je podijeljen u više povezanih dijelova (aktivnosti) koje imaju za cilj osnažiti sve stakeholdere u sektoru pčelarstva u navedenim Općinama/Gradovima.

Generalni cilj projekta je unaprijeđenje socio-ekonomskih uslova života mladih osoba i žena u ruralnim sredinama kroz donacije pčelarske opreme i jačanje pčelarskih organizacija u tehnološkom, strateškom i humanom smislu.

Specifični ciljevi projekta su:

- Povećanje kapaciteta individualnih pčelara kroz edukacije i doniranje start up paketa,
- Jačanje pčelarskih organizacija sa tehnološkim i „KNOW HOW“ rješenjima,
- Podizanje nivoa svijesti kod stanovnika kroz promotivnu kampanju u zaštiti pčela,
- Smanjenje siromaštva u ruralnim područjima.

U prvoj godini realizacije projekta implementirane su sljedeće aktivnosti. Tri Općine/grada su potpisale Sporazum o pristupanju i učešću na projektu. Na temelju Sporazuma raspisan je javni poziv za korisnike projekta putem kojeg je selektovano 31 korisnik projekta u tri Općine /grada. Opština Vlasenica je dodatno uplatila 80% sredstava za dodatnih 4 korisnika projekta pčelarstva. Svim korisnicima su dodjeljeni start-up paketi za bavljenje pčelarstvom što je obuhvatalo po pet košnica sa pčelinjim društvima uz provedene analize o bolestima pčela, vrcaljku, kadu za otklapanje saća, rukavice, dimilicu, odijelo, metlicu. Pored toga svim korisnicima je dodijeljeno po 60

ramova sa satnom osnovom uz 2 prazne košnice sa dva tijela. Udruženja imaju za obavezu u drugoj godini da doniraju pčelinja društva u tim košnicama.

Svi selektovani pčelari su tokom pet mjeseci prošli obuku za samostalno pčelarenje. Ta obuka sastojala se od praktičnih i teorijskih edukacija. Praktične edukacije su izvođene na pčelinjacima udruženja ili na pčelinjacima korisnika. Edukacije su vođene od strane MAA agronoma i pčelara iz udruženja. Pored toga, urađene su i monitoring posjete svim korisnicima.

Udruženja pčelara su uz koordinaciju MAA osposobila prostorije u kojima će biti smještene procesne mašine koje će im biti donirane naredne godine. Procedura odabira najpovoljnijeg ponuđača procesne opreme je završena. Projekat se nastavlja i u 2024. godini.

2. Projekti obrazovanja

U okviru ovoga programa realizovano je tri (3) projekta ukupne vrijednosti cc. 536.390 KM koja su prikazana u nastavku.

2.1. Program stipendiranja jetima

<i>Kod projekta</i>	<i>BARCH 1-7</i>
<i>Vremenski period realizacije projekta</i>	<i>Jan 2023-Dec 2023</i>
<i>Vrijednost projekta</i>	<i>60.600 KM</i>
<i>Projekt partneri</i>	<i>MA USA i lokalni donatori</i>
<i>Ukupan broj korisnika</i>	<i>138 korisnik</i>

The Orphan Sponsorship Programme je projekat stipendiranja jetima.

Genereralni cilj projekta je podrška obrazovanju djece jetima kao i socijalno i materijalno ugroženoj djece sa oba roditelja.

Specifični ciljevi projekta:

- **Edukacija:** podržavamo obrazovne potrebe djeteta. Pristup školskim knjigama, školskim potrepštinama i kartama za prijevoz.
- **Emocionalna podrška:** pružanje podrške da bi se povećale šanse za uspješan završetak osnovnog i srednjeg obrazovanja.
- **Zaštita djece:** omogućavanje pristupa sistemu zaštite djece da bi se osiguralo sigurno okruženje bez straha od nasilja.

Projekat je obuhvatio 138 korisnika sa područja cijele BiH. Pruža se kontinuirana podrška obrazovanju djece putem stipendiranja, kao i kroz podrška porodicama kroz druge MAA projekte (renoviranje kuća, ramazan). Djeca su dio programa do završetka srednje škole.

2.2. CBM Projekat II (Jačanje kapaciteta škola i lokalnih zajednica)

Kod projekta	046/2022
Vremenski period realizacije projekta	Juli 2022-Juni 2023
Vrijednost projekta u 2023	138.290 KM
Projekt partneri	MA UK
Ukupan broj korisnika	1088 korisnika

CBM projekat je projekat podrške lokalnim zajednicama kroz jačanje kapaciteta osnovnih škola „Memići“ i „Sapna“.

Generalni cilj projekta je: podrška obrazovanju djece

Specifični ciljevi projekta:

- Infrastrukturni radovi (postavljanje toplotne izolacije i zamjena krovnih prozora)
- Renoviranje sanitarnih čvora
- Nabavka didaktičke opreme
- Back to school paketi za sve učenike
- Opremanje školskih biblioteka sa knjigama, klupama, stolicama, policama, zavjesama i kompjuterima.
- Nabavka stolova i stolica prilagođenih djeci s cerebralnom paralizom
- Provođenje kampanje podizanja svijesti o potrebama djece s teškoćama u razvoju

Cilj CBM projekta je pružiti podršku učenicima i nastavnicima osnovnih škola u kreiranju boljeg okruženja za obrazovanje.

2.3. CBM Projekat III (Jačanje kapaciteta škola i lokalnih zajednica)

Kod projekta	058/2023
Vremenski period realizacije projekta	Juli 2023-Juni 2024
Vrijednost projekta	337.500 KM
Projekt partneri	MA UK
Ukupan broj korisnika	7,378 korisnika

CBM projekat je projekat podrške lokalnim zajednicama kroz jačanje kapaciteta osnovnih škola „Memići“, „Sapna“, „Hasan Kikić“, „Tušanj“ i „JU Zavod za odgoj i obrazovanje osoba sa smetnjama u psihičkom i tjelesnom razvoju Tuzla“.

Generalni cilj projekta je: podrška obrazovanju djece

Specifični ciljevi projekta:

- Infrastrukturni radovi
- Renoviranje sanitarnih čvora
- Nabavka didaktičke opreme i opremanje didaktičkih kabineta
- Nabavka stolova i stolica prilagođenih djeci s cerebralnom paralizom

- Provođenje kampanje podizanja svijesti o potrebama djece s teškoćama u razvoju
- Izrada priručnika i smjernica
- Mentorski rad sa nastavnicima, defektolozima i asistentima
- Izgradnja školskog igrališta
- Edukacije prosvjetnih radnika
- Studijska posjeta „ŠOSO Milan Petrović“

3. Sezonski projekti

U okviru ovoga programa realizovano je četiri (4) projekta ukupne vrijednosti cc. 345.840 KM koja su prikazana u nastavku.

3.1. Winterisation Projekat 2022/23

<i>Kod projekta</i>	<i>078/2022</i>
<i>Vremenski period realizacije projekta</i>	<i>Novembar 2022- januar 2023.</i>
<i>Vrijednost projekta</i>	<i>108.175 KM</i>
<i>Projekt partneri</i>	<i>Muslim Aid UK, MA USA</i>
<i>Ukupan broj korisnika</i>	<i>738</i>

Opći cilj projekta: Doprinijeti poboljšanju energetske efikasnosti u marginalizovanim školama u Istočnoj Bosni te povećati pristup grijanju za jetime.

Specifični ciljevi projekta:

1. Zamijeniti krov u jednoj školi (koja ima 626 učenika i 38 nastavnika) te popraviti plafone u tri učionice
2. Obezbijediti 18 domaćinstava (uključujući 36 djece) sa po 5m³ kako bi se pokrile potrebe grijanja za najmanje 4 mjeseca

Projekt se implementirao u Istočnoj Bosni, ZDK i SK.

Projekat je pridonijeo poboljšanju zdravstvenih i obrazovnih rezultata tokom zime te je olakšao finansijski teret porodica tokom zimskih mjeseci, kada su troškovi života veći, a mogućnosti sezonskog zapošljavanja manja nego u ostatku godine.

3.2. Winterisation Projekat 2023/24

Kod projekta	86/2023
Vremenski period realizacije projekta	Novembar 2023 - Mart 2024.
Vrijednost projekta	98.725 BAM
Projekt partneri	Muslim Aid UK
Ukupan broj korisnika	199 korisnika

Opći cilj projekta: Osigurati da su zimske potrebe ugroženih osoba ispunjene.

Specifični ciljevi projekta:

- Ključne popravke izvršene dajući benefit za 196 individua, kroz izmjenu krova i zidova na više lokacija.
- Podići komfor vezan za grijanje kod 199 broja osoba tokom zimskih mjeseci.

Projekat se implementovao u TK.

3.3. Ramazan Projekat 2023

Kod projekta	021/2023
Vremenski period realizacije projekta	01. marta 2023 - 31. aprila 2023..
Vrijednost projekta	53.250 KM
Projekt partneri	Muslim Aid UK, MAUSA, MA Sweden
Ukupan broj korisnika	1.045 individua

Opći cilj projekta je doprinijeo smanjenju siromaštva postača tokom mjeseca Ramazana.

Specifični ciljevi projekta:

1. Povećan pristup hrani za 1200 osoba tokom mjeseca Ramazana
2. 400 prehrambenih paketa je dodjeljeno za marginalizirane porodice tokom Ramazana kako bi se zadovoljile njihove potrebe za hranom za jedan mjesec.

Projekt se implementirao u sljedećim općinama / gradovima / kantonima: Sarajevo, Vareš, Breza.

3.4 Kurban Projekat 2023

<i>Kod projekta</i>	<i>047/2023</i>
<i>Vremenski period realizacije projekta</i>	<i>01. juni 2023. – 20. juli 2023.</i>
<i>Vrijednost projekta</i>	<i>85.690 KM</i>
<i>Projekt partneri</i>	<i>Muslim Aid UK, MA USA, MA Sweden</i>
<i>Ukupan broj korisnika</i>	<i>5.497 individua</i>

Opći cilj projekta je bio poboljšati konzumaciju nutritivne hrane kod ugroženih domaćinstava tokom Kurban Bajrama.

Specifični ciljevi projekta:

1. Obezbijediti 640 porodica sa higijenski ispravnim mesom od životinja zaklanih prema islamskim principima.
2. Poboljšati pristup za 5275 individua nutritivnom mesu tokom Kurban Bajrama.

Projekt se implementirao u sljedećim narodnim kuhinjama i mjestima: Vareš, Breza, Kalesija, Doboj Istok, Zvornik, Lukavac, Sapna, Srebrenica.

4. Hitni projekti

U 2023. godini nismo realizovali „hitne projekte“.

ZAKLJUČAK

Muslim Aid Association je u 2023. godini u skladu sa svojom misijom i vizijom realizovao ukupno 14 projekata. Projekti su realizovani iz oblasti socio-ekonomskog osnaživanja, obrazovanja, sezonskih programskih aktivnosti i hitnih projekata. Lokacije realizacije projekata su lokaliteti širom BiH kako je to predstavljeno u narativnom dijelu iznad. Primarni partneri na projektima su kao i prethodnih godina bili Muslim Aid UK, Muslim Aid USA, Muslim Aid Sweden i LDSC (The Church of Jesus of Latter -day Saint Bosnia and Herzegovina). Pored toga, partnerstvo je razvijano sa jedinicama lokalne samouprave Općinama/Gradovima, Osnovnim školama i drugim organizacijama. U toku prošle godine nastavljena je realizacija projekta plastične proizvodnje, projekta stočarstva a započeo je i projekat pčelarstva koji se nastavlja i tekuće godine. Projekti stipendiranja jetima su nastavljene a nastavljen je i CBM projekat kojim su obuhvaćene različite aktivnosti na revitalizaciji škola i poboljšanju

znanja i vještina svih stakeholdera u aspektu obrazovanja. Ramazanski i bajramske aktivnosti realizovane su u skladu sa prethodno projektovanim ciljevima.

Na kraju želimo reći da se projekat naše Mobilne biblioteka Molly završio. Mobilna biblioteka Molly je proteklih 13 godina posjećivala seoske škole širom Podrinja i uz knjige donosila radost i osmjeh djeci. Preko 40 osnovnih škola oko 5.000 djece je koristilo usluge biblioteke. Prošla je hiljade kilometara i dolazila redovno i do najudaljenijih seoskih škola, u kojima se školovalo samo po par učenika. Ispratila je trinaest generacija osnovaca, pametnih glavica i vjernih čitatelja. Molly nije samo bila biblioteka i donosila knjige, naprotiv, ona je često u škole donosila i paketiće, odjeću, obuću, igračke, a ponekada i hranu. Mobilna biblioteka Molly je 30.06.2023. otišla u zasluženu penziju. Sav bibliotečki fond od 2.745 knjiga doniran je osnovnoj školi JU OŠ „Desanka Maksimović“ područnom odjeljenju Križevići u Zvorniku. Njene knjige nastavit će da se druže još dugo sa učenicima ove najveće seoske škole u općini Zvornik. Nama ostaje da se sa radošću sjećamo svih lijepih trenutaka koje je naša Molly donijela stotinama mališana.

Sarajevo, februar 2023.